

REPUBLIKA E SHQIPËRISË
AGJENCIA E SIGURIMIT TË CILËSISË NË ARSIMIN E LARTË
BORDI I AKREDITIMIT

VENDIM
Nr. 25, datë 14.05.2020

PËR

AKREDITIMIN E PARË TË PROGRAMIT TË STUDIMIT TË CIKLIT TË DYTË, MASTER PROFESIONAL NË "SHKENCA KOMPJUTERIKE TË APLIKUARA", TË UNIVERSITETIT "ALEKSANDËR MOISIU", DURRËS

Bordi i Akreditimit, bazuar në Ligjin Nr. 80 datë 17.09.2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", Ligji Nr. 8480, datë 27.5.1999 "Për Funksionimin e Organeve Kolegjiale të Administratës Shtetërore dhe Enteve Publike", Ligjin Nr. 44/2015, datë 30.04.2015, "Kodi i procedurave administrative të Republikës së Shqipërisë", Vendimin e Këshillit të Ministrave Nr. 109, datë 15.02.2017 "Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë", i ndryshuar, Vendimin e Bordit të Akreditimit, Nr. 1, datë 07.04.2017, "Për mbylljen e procedurave të mbartura për shkak të riorganizimit të Institucioneve të Sigurimit të Cilësisë në Arsimin e Lartë", Vendimin e Bordit të Akreditimit, Nr. 2, datë 07.04.2017, "Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit", dhe Vendimin e Bordit të Akreditimit, Nr. Ekstra 1, datë 02.02.2018 "Për miratimin e Rregullores së Bordit të Akreditimit", në mbledhjen e tij të datës 14.05.2020, në kuadër të vendimmarrjes për akreditimin e parë të programit të studimit të ciklit të dytë, Master Profesional në "Shkenca Kompjuterike të Aplikuara", me të dhënat si më poshtë:

- a. Emërtimi i programit: Master Profesional në "Shkenca Kompjuterike të Aplikuara"
- b. Cikli i studimit: Cikli i dytë
- c. Akti zyrtar i hapjes/licensimit: Urdhër i Ministrit të Arsimit dhe Shkencës Nr. 43, datë 04.02.2013
- d. Institucioni që e ofron: Universiteti "Aleksandër Moisiu", Durrës
- e. Njësia bazë përgjegjëse: Departamenti i Shkencave Kompjuterike
- f. Kohëzgjatja (Vite/semestra): 1 vit / 2 semestra
- g. Kredite (ECTS): 60 kredite
- h. Forma e studimit: Me kohë të plotë
- i. Statusi i diplomës: ofrohet vetëm nga Universiteti "Aleksandër Moisiu", Durrës
- j. Niveli i diplomës në kuadrin e Kornizës Shqiptare të Kualifikimeve: Niveli 7

pasi mori në shqyrtim:

- a. Dokumentacionin e Vetëvlerësimit, përfshirë të dhënat e programit të studimit;
- b. Raportin e Vetëvlerësimit dhe dokumentacionin mbështetës;
- c. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- d. Vlerësimin e cilësisë në përmbajtje, të kryer nga ekspertët e jashtëm në përbërje të Grupit të Vlerësimit të Jashtëm;
- e. Procedurën e vlerësimit të ndjekur dhe monitoruar nga ASCAL;
- f. Komunikimin e vërejtjet e Institucionit në kuadër të këtij procesi;

konstaton se:

- a. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në këto akte;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimit të Jashtëm dhe gjetjet e verifikimet gjatë vizitës në Institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;

- d. Rezultatet e vlerësimit janë nxjerrë në përputhje me gjetjet, pikat e forta e afirmimet dhe pikat e dobëta, të identifikuar e verifikuar përmes dokumentacionit dhe vizitës në Institucion;
- e. Rezultati i vlerësimit në lidhje me shkallën e plotësisimit të "Standardeve për sigurimin e cilësisë për programet e studimit të ciklit të dytë "Master Profesional" dhe cilësinë e ofertës akademike të programit të studimit është "**i përmbush kryesisht standardet**", me mangësitë si më poshtë:
 - i. Në syllabuset e këtij programi studimi, mungon informacioni për elementët e veprimtarisë mësimore, si dhe ka disa pasaktësi;
 - ii. Mungojnë raporte të përpunimit statistikor të pyetësorëve për këtë program studimi nga Strukturat e Sigurimit të Brendshëm të Cilësisë;
 - iii. Ka një numër të vogël të bashkëpunimeve institucionale me kompanitë e biznesit në lidhje me zhvillimin e praktikave profesionale për këtë program studimi;
 - iv. Ka një numër të ulët të stafit akademik me grada shkencore në fushën e Shkencave Kompjuterike në Departamentin që ofron këtë program studimi;
 - v. Mungon literatura në gjuhën shqipe për këtë program studimi;
 - vi. Sektori i Karrierës, Alumni dhe Komunikimi ka impakt të ulët në drejtim të punësimit të studentëve të këtij programi studimi, pas diplomimit.

Mbështetur mbi rezultatet dhe arsyetimin e mësipërm, Bordi i Akreditimit,

VENDOSI:

1. Vlerësimin Përfundimtar **POZITIV** për programin e studimit **Master Profesional** në "**Shkenca Kompjuterike të Aplikuara**", të **Universitetit "Aleksandër Moisiu", Durrës**, me rekomandimet sipas Shtojcës së këtij Vendimi.
2. **Akreditimin** e programit të studimit me kohëzgjatjen prej **4 (katër)** vite akademike.
3. Afati përfundimtar i vlefshmërisë së akreditimit të programit të studimit është **30/09/2024**.
4. Ngarkohet Agjencia e Sigurimit të Cilësisë në Arsimin e Lartë për zbatimin e këtij Vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin për ruajtjen në vijim të Standardeve Shtetërore të Cilësisë dhe plotësimin e rekomandimeve sipas Shtojcës bashkëlidhur.

Ky Vendim hyn në fuqi menjëherë.

Shtojca

Rekomandimet në zbatim të vendimit të Bordit të Akreditimit Nr. 25, datë 14.05.2020, "Për akreditimin e parë të programit të studimit të ciklit të dytë, **Master Profesional** në "**Shkenca Kompjuterike të Aplikuara**", të **Universitetit "Aleksandër Moisiu", Durrës**, janë si vijon:

1. Institucioni, të rishikojë syllabuset e këtij programi studimi, duke shtuar informacionin për elementët e veprimtarisë mësimore (leksion, seminar, laborator), si dhe të rregullojë ndonjë pasaktësi të mundshme (p.sh tek elementi: Tipologjia e lëndës).
2. Institucioni, të mundësojë fokusimin e Strukturave të Sigurimit të Brendshëm të Cilësisë më gjerësisht në programet e studimit Master, si dhe të realizohet përpunimi i të dhënave e pasqyrimi i tyre në trajtë raporti periodik.
3. Institucioni, të zgjerojë fushat e bashkëpunimit me kompanitë e biznesit në drejtim të praktikave profesionale të studentëve të këtij programi studimi.
4. Institucioni, të marrë masa për kualifikimin e vazhdueshëm të stafit akademik të fushës së Shkencave Kompjuterike në Departamentin ku ofrohet programi i studimit, për të përballuar ndryshimet e vazhdueshme në fushën e shkencave kompjuterike.
5. Institucioni, të hartojë një plan e të marrë masa për pasurimin e bibliotekës me literaturë në gjuhën shqipe dhe të huaj, për këtë program studimi.
6. Institucioni, të sigurojë që të dhënat nga Sektori i Karrierës, Alumni dhe Komunikimi të japin më drejtë impaktin e programit në drejtim të punësimit të studentëve, punën e bërë në ndjekjen e studentëve që kanë status "të papunësuar", pas përfundimit të studimeve të tyre.